

馬邑縣志卷二

官師志

舊志曰師者民之宰士之宗也政治之得失教化之淳漓係焉馬邑官師古籍剝落無從述矣有明定員定職咸正罔缺而題名久無記石中間類次年紀多有差訛姓名湮沒失傳者亦有焉至於守禦諸司職司戎馬則於例宣並載云

舊史氏曰輿圖備賦均設官分職以次及之其有治行高等俎豆千秋若名宦所載斯表表者已用風有位取冠篇首其他歷述其名遇有善政可書者則書之無可書者第述其名而已惟是有官則必有署攸躋之堂體統森然而後可以條分縷析事上潔賓寓之館恤下籌積貯之所學校以揆文武備以奮武要之治民事神其大端焉惟留心經濟者爲能樽節愛養修廢舉墜生前去思歿後廟食爲名宦是不獨萬姓之所瞻依而實亦百神之所妥侑也故名宦始廟寺終作第三卷

宦績

府志

方略

戰功

忠節

政績

蒙恬方略

蒙恬其先齊人蒙驁之孫爲秦大將軍始皇三十三年恬將兵二十萬北擊匈奴畧取河南地築城始置馬邑縣累土爲山植榆爲塞因地置險威振朔漠

見朔志邑志缺石塞一人

灌纓

婁敬 府志方略

劉敬者齊人也漢五年戍隴西過洛陽高帝在焉敬脫輓輅衣其羊裘見上說上入關而都案秦之故地卽日車駕西都關中上曰本言都秦地者婁敬婁者乃劉也賜姓劉氏拜爲郎中號奉春君漢七年韓王信反高帝自往擊之至晉陽聞信與匈奴共擊漢上大怒使人使匈奴匈奴匿其壯士肥牛馬但見老弱及羸畜使者十輩來皆言匈奴可擊上使敬復往視匈奴還報曰兩國相擊此宜矜夸見所長今臣往往見羸脊老弱此必欲見短伏奇兵以爭愚以爲匈奴不可擊也是時漢兵已踰句注二十餘萬兵已業行上怒罵曰齊虜以口舌得官今迺妄言以沮吾軍械擊敬廣武遂往至平城匈奴果出奇兵圍高帝白登七日然後解高帝回至廣武赦敬曰吾不用公言以日平城吾皆以斬前使十輩言可擊者矣迺封敬二千戶爲關內侯號爲建信侯

史記列傳漢廣武城今縣南

四十里古城
村建安年廢

案漢兵已踰句注械敬廣武此廣武當在馬邑代志以爲陘南二誤邑之祀
公亦以在廣武故也舊志云止列其名於宦祠之中宦蹟不載有年而未審
其宦於馬邑者曾居何官又云漢高帝六年九月冒頓入馬邑信信使于北
求解帝疑其有二心乃賜信書讓之信懼遂叛入北七年帝自將信于馬邑將軍
周勃樊噲夏侯嬰灌纓等皆從征至白登之圍以陳平計解始罷兵其行師以不殺
爲武邑人感之故俎豆至今不輟云

樊噲沛人累功封武陽侯 府志名宦戰功

夏侯嬰沛人 府志名宦戰功

周勃 府志名宦戰功

周勃沛人從高帝以功遷太尉又與樊噲同討韓王信陳豨攻下馬邑降下藿人收復
雁門郡十七縣雲中郡十二縣代郡九縣別將斬信于參合豨奔靈邱擊斬之封絳侯
益州馬邑

按益封馬邑句見通鑑信爲馬邑名宦矣

右西漢三人

牽招方略 前志無

牽招字子經安平觀津人魏文帝踐祚拜右中郎將出爲雁門太守郡在邊隅雖有候望之備而寇鈔不斷招旣教戰陣又表復烏丸五百餘家租調使備鞍馬遠遣偵候虜每犯塞勒兵送擊來輒摧破於是吏民膽氣日銳荒野無虞又構間離散使虜更相猜疑鮮卑大人步度根泄歸泥等與軻比能爲隙將部落三萬餘家詣郡附塞勅令還擊比能殺比能弟苴羅侯及判烏丸歸義侯王同王寄等大結怨讎招遂自出率歸泥等討比能於雲中故郡大破之招通河西鮮卑附頭等十餘萬家繕治陁北故下關城置屯戍以鎮內外夷虜大小莫不歸心諸判亡雖親戚不敢藏匿咸悉收送於是野居晏閑寇賊靜息招乃簡選有才識者詣太學受業還相授教數年庠序大興郡所治廣武井水苦鹹民皆擔輦遠汲流水往返七里招準望地勢因山林之宜鑿原開渠注水城內民賴其益明帝卽位賜爵關內侯大和二年獲烏丸校尉田豫出塞爲軻比能所圍

於馬邑城移招求救招卽整勒兵馬欲赴救豫并州以常憲禁招招以爲節將見圍不可拘於吏議自表輒行又並馳布羽檄檄到豫軍踴躍虜卽恐怖種類雜離軍到故平城便皆潰走兵以比能狡猾議使守新興雁門二牙門牙門官名出屯陁北外以鎮撫內令兵田儲畜資糧秋冬馬肥州郡兵合乘釁征討未及施行會疾卒魏志本傳

案漢陰館故城一名下館城寰宇記云朔州有陰館城是也去廣武舊站十餘里地

本秦樓煩鄉前漢爲雁門屬縣後漢爲雁門郡治後魏於此立平齊郡隋置桑乾鎮

隋書王智辯討劉武固圍桑乾鉦陳孝意傳云戰于下關城下是一地也方輿紀要陰館城在雁門北續通典後漢雁門

雁門郡治陰館今句注山北下館城是此通井水苦鹹所謂改邑不改井也如代志謂在陁南之古城村絕無苦鹹之水

漢末匈奴擾亂城邑荒蕪建安十八年曹操鳩集塞下遺民立新興郡陁嶺以北之

縣並移而南方輿紀要云僑置魏志招牽傳仍繕治陁北故下館城後魏明帝詔又

移置廣武于陁南金史地理志貞祐三年割朔州之廣武隸代州

古雁門關卽太和嶺亦曰惡陽嶺宋靖康二年金人劫欽宗帝后自鄭州面北至代度太

和嶺卽其地也在句注由嶺所謂陁嶺之險者方輿紀要雁門關舊名句注亦曰西

馬邑縣志 卷一
陁在今關西數里案元史百官志太和嶺設千戶所後廢通志今廣武舊站卽魏所
徒郡治金故縣也一廣武營今名新廣武明所建雁門守禦所也隋改廣武爲雁門
縣右魏一人

盧謚 方略

盧謚太原刺史劉琨從事中郎琨爲太原刺事每逢秋提兵防馬邑以城小難聚兵命
謚廓其城就漢新興郡改爲新昌遷五縣之民發牛馬萬餘開荒種地後琨兵敗王敦
誣以賣國奪官謚從海道上疏辨琨冤至東晉元帝建武元年宰相賀循奏還琨官封
謚次子羣爲司馬郎中謚爲行營尙書屯兵鎮新昌世襲其爵子孫遂家焉

右晉一人

趙璞 政績

趙璞大業十三年馬邑縣丞御賜袞魚袋見古馬邑清陽鍾造字

楊廓 政績

楊廓馬邑太守也大業三年帝至雲州發河北十郡男丁鑿太行通道達於并州過雁

門邱和獻食甚精以和爲博陵太守至馬邑廓獨無所獻帝不悅由是觀之則廓之廉靜宜民不以諂諛媚主可概見矣

王仁恭 政績

王仁恭上邽人煬帝大業九年突厥數苦邊乃出恭以光祿大夫領馬邑太守會始畢可汗寇馬邑令三部長勒兵而南時郡兵不及三千仁恭簡精銳設奇擊破之後又寇定襄仁恭復破之其校尉劉武周素蓄異志乃殺仁恭以判

右隋三人

李靖 戰功

李靖字藥師三原人姿貌魁傑具文武才幼有大志仕隋爲殿內直大業未爲馬邑丞多惠政及民唐高祖擊突厥樹功塞外靖察有異志上急變于江都至長安道梗高祖已定京師將斬靖靖大呼曰公起兵爲天下除亂乃以私怨殺義士乎秦王壯而請釋之過太原以劉文靖援引始仕唐武德初上平蕭詵大策上命從李孝恭討平之度嶺招撫馮盎等詔受嶺南撫慰大使檢校得郡九十六戶六十餘萬率兵南下所過關侯

馬臣集 卷一
苦延見長老示以禮義宣布恩威遠近悅服貞觀四年二月突厥部種離叛以靖爲定襄道行軍總管率勁騎三千由馬邑趨惡陽嶺頡利可汗大驚曰兵不傾國來靖敢提孤軍至此于是帳部數恐靖縱謀者離其腹心夜襲定襄破之克汗脫身遁磧口帝曰李陵以步卒五千防絕漠然卒以降靖以三千取定襄古未之有足澡吾渭水之恥矣進封衛國公圖像凌煙閣出人將相可謂大行其志者矣先是在隋爲內直時楊素附其床曰卿當坐此素之識靖過于紅拂女遠甚年七十九薨謚曰景武

王忠嗣 方略

王忠嗣華州人大同節度使父海濱官至天安軍使叱蕃人寇以先鋒殺賊戰死時忠嗣年九歲名訓入見玄宗侏地號泣帝撫之曰此將稍也賜名忠嗣及長雄毅寡言有武略屢從征代累功拜京金吾衛將軍河東大同朔方節度使北討奚怒階戰桑乾河三遇三克耀武漢北進軍磧城營木刺蘭山談虛實上平戎十八策縱反間于拔悉密與葛邏祿回紇三部攻多羅斯城涉昆水斬米施可汗築大同靜邊二城徙清塞精野軍實之併受降振武爲一城自是虜不敢盜寒忠嗣本負勇敢及爲將能持重拜河西

隴右節度權朔方大同河東佩四將印勁兵重鎮控制萬里當世號爲名將

李克用大同軍節度其先本西突厥別種世居沙陀姓朱邪氏父赤心憲宗時歸唐居五原後以五原近回鶻徙居定襄神武川之新城懿宗時赤心以討龐勛功拜大同軍節度使賜姓李名國昌克用爲沙陀副兵馬使戍蔚州禧宗時會大同軍亂殺防禦使段文楚推克用爲留後表求勅印朝廷不許因克用據雲中以昌國爲大同節度使令克用無以拒國昌不奉詔入雁門寇忻代逼晉陽詔河東詔義合兵討沙陀皆爲所敗復以李琢爲朔蔚等州招討討國昌幽州節度使李可舉討克用大破父子走亡韃靼居陰山克用與達旦置酒飲酒酣克用言曰吾得罪天子願效忠而不得今聞黃巢北來必爲中國患一旦天子若赦吾罪得與公輩南向共立大功不亦快乎人生幾何雖能老死沙磧耶會其叔李友金從陳景思入援京師說景思遣使詣行在召國昌父子爲帥以牛代北詔如所請友金以五百騎迎之于是國昌守代州克用將兵四萬至河中討黃巢大破之收復長安功第一時克用方二十八歲于諸將年最少兵勢最強諸將畏之一日微渺人謂之獨眼龍兵皆黑衣每征討賊憚之曰鷓軍至矣輒避之中和

四年以克用爲河東節度使鉅晉陽昭宗時封晉王子存勗滅梁有天下爲後唐追贈太祖

右唐二人

案平城之稱大同始于元而定于明以前並無此稱自唐至遼凡大同人物事實爲今之大同者誤矣

張敬達 忠節 前志無

張敬達字志通代州人小子生鐵少以騎射事唐莊宗爲廳直軍使明宗時爲河東馬步軍都指揮使領欽州刺史累遷彰國大同軍節度使徒鎮武信晉昌清泰二年契丹數犯邊廢帝以河東節度使石敬瑭兼大同彰國振武威塞等軍蕃漢馬都總管屯于忻州屯兵聚譟遮敬瑭呼萬歲敬瑭斬三十餘人以止之廢帝疑敬瑭有異志乃以敬達爲北面副總管以分其兵明年徙敬瑭鎮天下遂以敬達爲大同彰國振武威塞等軍馬步都部署敬瑭因此遂反帝以敬達爲太原四面招討使六月兵圍太原

敬瑭將馬邑安

元信朔州安審信爲敬瑭齊太原

敬達爲長城連柵雲梯飛礮以攻之所爲城柵將成輒有大風雨水

暴至壞之敬塘求救于契丹九月耶律德光自
入告敬塘曰吾欲今日破敵可呼敬塘報曰大兵遠來而賊勢方盛要在成功不必遠
也使者未復命而兵已交敬達陣子西山契丹以羸騎三千革鞭木鞞人馬皆不甲冑
以趨唐軍唐軍爭馳之契丹兵至追至汾而伏發斷唐軍爲二其在北者皆死死者萬
餘人敬達收軍柵者安契丹圍之廢帝遣趙延壽趙光等救之延壽屯團柏谷延光屯
遼州相去皆百餘里契丹兵圍敬達者自晋安塞南長百餘里闊五十里敬達軍中望
之但見穹廬連屬如崗阜四面互以毛案掛鈴爲警縱火往來敬達軍有夜出者輒爲
契丹所得由是閉壁不敢復出延壽等皆有二心無救敬達意敬達猶有兵五萬人馬
萬匹久之食盡削木節糞以飼其馬馬死者食之已而馬盡副招討使楊光遠勸敬達
降敬達自以不忍背唐而救兵日至光遠促之不已敬達曰諸公何相迫耶何不殺我
而降光遠卽斬敬達降契丹耶律德光聞靖達死哀其忠遣人葬之

五代史死事傳

後唐一人

右秦漢至後唐名宦一十五人

齊壽

齊壽蠡縣人由監生弘治四年授知縣事禁職凶徒撫安善類蓋令之才守兼優者民到於今稱之

張文燧

張文燧懷安縣人由監生知縣事嚴毅忠誠故吏畏而民懷之致政而歸士民思其澤不衰

王一鳴

王一鳴齊東縣人由舉人嘉靖間知縣事性秉溫厚政尚寬利訓生徒以振士風開河渠以固城郭士民賴之感頌不忘

王嘉

王嘉霸州人由監生知縣事蒞任清勤政尚嚴明訓誨生儒士多其賴裁成者

岳汴

岳汴延安縣人由舉人知縣事善政民愛之包砌城垣厥功尤天爲建生祠於西甕城

內石碑尙存

宋子質

宋子質山東昌邑舉人萬曆三十三年以左遷知縣事重修邑乘表彰前賢築文峯台以啟文明建龍王廟以藏風氣留心民社加意致養蓋良吏之罕其儔者

邱澄清

邱澄清字依山盩屋舉人天啟五年知縣事爲政以德居上不驕士民翕然尊之而風流淹雅逸致翩翩簿書之暇酷嗜吟咏與朔州牧伯翁兆吉鄭翀羽山陰大戶劉澹之更唱迭和哀集成帙曰雪朔草三雲唱和集騷壇旗鼓齊驅並駕所著芸窗類編更極天性之奧侍御霍韻衢先生爲序而行之於世

右明七人

劉克望

劉克望直隸永平貢生順治元年知縣事當鼎之初留心民瘼以朴實率下不事煩苛邑人至今感之

張汝濬

張汝濬北直昌平州人萬曆二十九年知縣事雅重文學作育士類邑自嘉靖戊子而後凡數科鄉舉無人萬曆癸卯侍御霍公以麟獲書霍方爲諸生時家窶甚恒舌耕于外間報之日公爲捐俸助建贈台三楹以鼓勵讀書者之志氣云

徐明弼

徐明弼蕪湖進士順治四年知縣事少年精敏探茨課士造就功多己丑姜逆之變朔馬以鼓惑煽禍弼挺身扣壘爲和碩親王所優禮大兵西指先朔州而不卽攻下馬邑者弼於中有以調停而挽迴之也故邑免於屠戮之慘皆由弼保全之力也以卓異行取戶部主事累官陝西督學道

上官任

上官任陝西人順治九年知縣事安靜慈良於民無擾

趙映斗

趙映斗直隸遷安進士十五年知縣事秉心塞淵以勤儉率俗布袍革履淡如也至若

嚴猾胥侵相之禁却園戶日疏之供寬猛得宜故民不擾而事以集因註誤去士民惜之

王日新

王日新寧海人由拔貢康熙三十六年知縣事政尙嚴明士民懷之則建預備倉傲

佟毓秀

佟毓秀奉天旗舉人康熙十八年知縣事靜而不擾嚴而有體士民德之未幾以迴避西路同知之同宗者改補河南園始去

杜如銅

杜如銅號又篁浙江會稽縣人由卓異學博擢知馬邑康熙二十八年初下車歲大饑錫念切民瘼自倡勸賑供兵雲中事事爲下里裁省雖上檄嚴督不爲動但曰馬邑百姓官窮實穹而已未幾以例捐陞戶部福建司主事

劉世朝

劉世朝奉天旗人康熙三十三年由山東萊陽縣丞擢理馬邑縣下車之始值錢糧改

征米豆草束朝稔知邑有逋糧痼弊乃集五里父老千庭逐戶而清釐之能完與否俾自供承能者勒碾連納其曰不能者藉其田令戶族甲里之人種地認糧是年考成竟得如額次年春有乘糧完而欲復其業者以嘗朝朝不惟不許且痛創之由是正賦無虧以久廢無烟大之墟茲日漸成洞落者惟朝清釐之力也至於剛毅不阿御諸胥吏法不少克尤得爲政人體體乎爲政未久未及期而遽以憂歸

秦擴

秦擴直隸曲周進士康熙三十九年以大同知縣丁憂服闋補馬邑下車之始見井里蕭一念切痾據緩催科而急撫字喂養驛馬草料俱公平採貢老不虧價日用新炭舊例取之科歛者擴獨發銀平價而衣服飲食崇尚節儉大有布素之風其遇奸猾乃復裁抑之不少俊借長以政平訟簡民獲安堵越二年捐捧舊修文廟又纂邑志

董命

董命字伯謨介休縣人康熙三十五年任訓導按命定襄素封也不慕通顯屈就一毡于首蓿滋味甘之如飴履任之後時以大義勗諸生道重師嚴挑達者望而歛迹或同

列中有偶相齟齬者命一以平心處之人無能復犯爲念馬邑舊稱發科之地比年士風頹惰人文不振于是重捐已囊鼎新 文昌神祠又同秦邑候倡修 文廟捐助多金毫無吝色將所云樂與人爲善者非斯人歟余深服公之制行剛方面又能輕財尙義足重使世之擁厚貲竊榮名硜硜於緇銖之較而不知名教綱常伊誰之責者聞公之風宜汗流浹背故於編纂之次聊紀其梗概如此卽以質之公論雖曰不然

宗秉彛

宗秉彛縣丞于洪武八年創建察院規制井如亦佐貳之才而且賢者也第未審丞缺裁于何時舊志略其官因沒其名今附錄于此以見官之崇卑不一而但有一行之善一事之勤討論之下必常表而出之以傳示後來不忍聽其泯沒云

訓導

杜翰藻

太谷縣人光緒二年署捐俸助修文廟復慨縣誌殘毀不全加意釐訂思欲捐貲重修因振篆未久而不果士論惜之

馬振海

稷山縣舉人光緒五年署甫接篆卽捐貲倡者修理學署至課士有法尤不惜勒劬焉邑之聖人廟鐘鼓俎豆蓋闕如也更欲捐廉增仙云

右清十四人

案舊志馬邑名宦漢至唐五人照府志添秦之蒙恬漢之周勃唐之王嗣忠三人若趙
樸見之殘鐘若漢樊噲夏侯嬰晉劉琨唐郭子儀石雄宋楊業明李文忠徐一范八人
雖有馬邑事實而官非馬邑者不敢以府之名宦爲邑之名宦也可列僑居又閱前史
有本馬邑名宦而府志不載者亦錄之若後魏牽招晉盧諶唐李克用張敬達四人牽
招雁門太守在邑之下館城虛譙提兵防馬邑同守土之吏李克用張敬達官於馬邑
之大同軍也又有馬邑事實而府志亦不載者亦錄之若漢杜茂郭涼隋陳孝意唐元
普李大恩劉世讓宋潘美薛超八人可列僑居以上共名宦二十二

舊志明至清名宦止六人而無宋子質邱澄清徐明弼張汝濬上官任趙映斗王日新
佟毓秀杜如錫劉朝世泰擴董命一十三人者邑志止於康熙府志成於雍正康熙四
十年至乾隆官斯土者皆失傳如訓導有杜瀚澡馬振海亦入名宦乃當時之公論共
名宦二十一人

以上秦至今共名宦三十六人

僑居

杜茂 寓賢

杜茂字諸公南冠軍人也初歸光武於河北爲中堅將軍建武二年封苦陘侯七年詔茂屯田廣武以備胡寇 後漢書本傳

郭涼 寓賢

郭涼建武九年雁門太守守公文右北平人身長八尺氣力雄猛雖武將然通經書多智略尤曉邊事有名北方擊彭寵功封廣武侯十三年增邑便封修 後漢書杜茂傳

案漢雁門太守本馬邑之官但舊志不書今列之僑居

右後漢二人

劉琨 府志戰功

拓拔猗盧封代公以封邑去國懸遠從劉琨求句注陘北之地琨乃徙馬邑陰館樓煩繁峙崞五縣之民於陘南以其地與之 魏書穆帝紀

右晉一人

陳孝意 客將

大業十三年劉武周友雁門郡丞陳孝意與虎賁郎王智辯討之戰於下關城敗績俄而武周來攻孤城無援糧盡孝意爲校尉張倫所殺以城歸武周

隋書陳孝意傳

右隋一人

元普使臣

元普雁門人突厥攻馬邑馬邑豪苑君璋返保恒安請降高祖遺普賜金券會頡利亦召之君璋執普送突厥

唐書苑君璋

劉世讓客將

劉世讓字元欽克兆醴泉人唐武德初召授廣州總管帝問以備邊策答曰突厥數南寇者侍有馬邑爲之地耳如使勇將屯郭外厚儒金帛以招降者數出奇兵降城下踐禾稼不踰歲馬邑可圖也帝曰非公無可任者乃使馳驛經畧於是世讓至馬邑高滿政以城來降突厥患之縱反間云世讓與可汪爲亂帝不之察因誅之籍其家貞觀初突厥降者言世識無逆謀乃厚其妻子

唐書列傳

郭子儀府志方略

郭子儀華州人天寶十四載安祿山反詔子儀爲衛尉卿充朔方節度使遂收雲中馬邑引軍下井陘

李大恩 客將

李大恩代州總管武德四年頡利與苑君璋合寇雁門大恩擊卻之明年大恩上言突厥饑馬邑可圖詔殿中少監獨孤晟共擊之盛後約大恩不敢進屯新城頡利自將數萬騎與劉黑闥合圍之大恩戰沒唐書突厥傳案新城在沙河魏置

石雄 志戰功

石雄徐州人少爲牙校敢毅善戰氣蓋軍中累功除壁州刺史兼朔州刺史雄選沙陀李國呂及契苾拓拔雜虜三千夜發馬邑旦登振武直搗烏介帳可汗大駭單騎走迫至殺虎山今殺虎口

右唐五人

楊業 客將

楊業太原人初名劉繼業太宗賜姓楊幼倜儻任俠善騎射事北漢割崇至建雄軍節

度使屢立戰功所向克捷國人號為無敵劉繼元降太宗召見業大喜授代州刺史會契丹入雁門業領麾下數千騎自西陁出由小徑至雁門北口南向背擊之契丹大敗以功遷雲州觀察使仍判代州自是契丹望見業旌旗即引去雍熙三年大軍北征為雲應路副都部署運拔雲應寰朔四州遷其民於內地會契丹復陷寰州業力戰陳家谷口被執不食三日死 宋史本傳

潘美 客將

雍熙三年二月以忠武節度使潘美為雲應路行營都部署雲州觀察使楊業副之出雁門三月潘美自西陁入與契丹兵遇追至寰州破之遼刺使趙彥章 或作辛以城降進

圍朔州應州並降之四月辛丑克雲州五月曹彬師大敗于岐溝關召史闕命潘美還代州徒雲應寰朔吏民分置河東京西會契丹復陷寰州楊業護送遷民遇之苦戰力

盡為所擒守節而死 宋史太宗本紀楊業傳契丹數十餘萬復陷應州業謂美曰今遼兵

密告雲朔守將俊大軍離氏州日令雲州之衆我師次應州契丹必來拒即令朔州民出城直入石碣谷遺壯弩千人列于谷口以騎士援于中路則三州之民保萬全矣王侁沮其議曰傾數萬精兵而畏懦如此但趨雁門北川中鼓行而往劉文裕亦贊之業曰不可此必敗之勞也侁曰君侯素號無敵今見敵逼撓不戰得非有他志

乎業曰業非避死蓋時有未利徒令殺傷士卒而功不立今君責業以不死當爲諸公先將行指陳家谷口曰諸君子此張步兵張終爲左右翼以援僕業轉戰至此即以步兵夾擊之不無類矣美知與性領麾下陣于谷口自寅至巳住佳人行託邏台望之以爲契丹敗走欲爭其爲即領兵離谷口矣不能致乃緣交河西南行二十里聞業敗即麾兵卻光象力戰至暮果至谷口望見無人即拊膺大慟率帳下士力戰馬重倡不能進遂爲契丹所擒不食死長不延至亦歿焉

薛超客將

薛超遼州平城人乾德初應募爲虎捷卒從伐蜀錄功補虞侯累遷神衛軍都校雍熙三年從潘美北征至雁門西陁路與契丹遇力戰敗之追至寰州斬首五百餘級超連被創流血濡甲縷部分軍士白若乘盛抵應州其節度副使艾正以城降還加馬步軍頭領澄州承練使卒宋史本傳

右宋三人

李文忠府志

李文忠盱眙人曹國長公主之子太祖之甥洪武二年八月李文忠出雁門敗元遊兵于馬邑擒其平章劉牲穆爾進至白楊門注白楊門住花平府馬邑縣北天雨雪已駐營文忠引數騎入山觀察欵有伏遽令移前五里阻水日固元兵果乘夜來却文忠令堅壁不動實明

敵大至以二營殊死戰度敵疲乃出精兵左右擊大破之擒其將圖魯卜俘戮萬餘人窮追孟克桑而還

徐一范府志忠節

江南蕪湖進士由禮部郎中遷左衛兵備道受命時已知姜送之變猶必兼程入境者因徑徐明弼令馬邑蓋志切匪躬欲藉此以圖恢復耳乃事出非常比至馬邑城下竟爲亂挺擊傷乃賊所密布也

右漢至明僑居共一十六人

曹變蛟

崇禎七年七月清兵侵入山西曹變蛟北援遇於馬邑之廣武與戰大敗之

見明史

漢宋皆然唐增尉元增達魯赤花改令曰尉尹如故增置典史儒學各置教諭訓導本縣文獻無徵自漢至元職官俱無可考所不沒者名宦灌婁王李數人而已今據府志補錄之明興改尹曰知縣縣丞各一員後裁丞典史一員儒學教諭訓導各一員廣武驛驛丞一員後裁老家營守備一員把總一員後裁把總馬邑所幸印一員鎮撫指揮

千百戶不等吏目一員清朝定制知縣一員典史一員教諭一員後裁去康熙十六年復設與訓導分食一俸訓導一員欽依守備一員康熙五年移駐朔州本縣改爲把總一員馬邑所等官因裁所並裁知縣

遼

趙彥章

寰州刺史
見宋史雍正三年以成降宋

金

程舜卿

字借紳登仕郎武騎尉馬邑知縣天會十三年任

元

尹智

字仲器供俸郎馬邑縣知縣大德三年任

薛朝元

馬邑縣主簿以上見碑記

已入名宦者茲不重載

季

德洪武年任修學有功

劉

談直隸人

劉

經河南人

吳國貢洪武八年任創修縣治

張

俊正統二年任

安

和成化八年任

趙

鉉文林郎太子校書守兼馬邑縣尉主簿二人見碑記

何

寅寧州進士篆額

孫

恩馬邑縣縣尹兼管諸軍境魯勸農事

王庭秀

馬邑縣長官

張聰弘治年任

陳達遼東人

王功陝西人

劉悅河南舉人

高彤陝西舉人

吳滋陝西人

韓魯山東人

何崇信直隸人

羅輕山東人

周廷傑山東萊陽縣人

苑侃直隸人

呂應春直隸人

倪雲鶴直隸人

趙德佑治邠州人嘉靖三十七年修縣

李允中直隸人

張臻河南舉人

王濟洙直隸人

宗鑰陝西舉人

陸陽河南舉人

史策遼東人

王梅河間府人修舉社學

王道猷縣舉人

魏克頑元氏縣人監生

李英山東人

趙承芳

無極縣舉人萬曆八年任建縣治牌坊增修吏舍學宮

陳文獻長安縣舉人萬曆十三年

顏卓魏縣舉人十八年任

施為霖

東安縣人監生十九年任

王日新寧河人拔貢三

康徵衡水人二十七任

張德山東齊河人拔貢

賈尙志北直固安人

馮橘北直保定人

李道一陝西成寧人

趙珣北直人

劉蘊河南鄭州人拔貢

李騰蛟涿州人天啓年任

孫光先陝西人崇禎年任

賀奎光陝西人

賀瑤光宣府人

劉士瑯復州人

朱勤勞河南宗室也

阮振益字節菴浙江人監生康熙三十六年任政尙嚴明

右明知縣四十八人

王之垣浙江舉人順治十二年任詩文淹雅勤子課士

楊金聲孝感縣人由學博遷陞知縣為古文詞甚富康熙元年

朱兆綱號人菴福建惠安縣舉人康熙五年任雅負才名廣于交接

許初學江陝西人以學博陞知縣事康熙十一年

陳熔河南浙安縣人由進士康熙十三年任簿書叢脞猶娓娓為舉業家言

白璋陝西人監生二十年任

王從儉浙江人監生二十一年

王霖福建清流縣人拔貢原任吳縣降調改補康熙三十五年任被撫台陽公劾

李申中字閩推號強菴陝西綏城進士文林郎乾隆四年任

張克緒乾隆十二年任創建東城樓內有碑記

李鵬舉乾隆元年任

勞啟鑑教習貢士浙江石門人雍正十一年

袁大選雍正五年任

右清知縣可紀者一十三人

陳廷璋字子遠民國元年任靈邱縣人

牛凌霄榮河縣舉人民國二年任

王垂統字正一民國二年任廣靈縣人

郝延禮民國拔貢民國五年任

陳開榮直隸祁縣人字少泉民國三年任

蔡壽禱字子湄浙江人

警佐

姚汝華字縉雲民國元年任

王秉公字純仁民國四年任

裁縣併州

知州姓名多遺亡

曹森進士嘉慶 年任

許昭德江南人進士道光七年陞任朔州有常生祿位神生

王恂道光 任

王炳燐字芸閣安岳舉人道光三十年任著有飲冰山房詩鈔

陳鏞字桂舫廣西臨桂縣舉人咸豐十年兩任朔州

姚官澄字鍊江順天涿州舉人同治十年兩任朔州有巧德堂常生

姚啟瑞字縵雲福建監生光緒九年兩任朔州有常生祿位生主

徐樹璟湖北孝感舉人光緒二十七年任

慶廉漢軍旗進士光緒二十九年任

盛鍾襄浙江人監生光緒三十年任

何慶珽浙江人拔貢宣統元年任

余培森字松崖安徽舉人民國四年任土匪入境有守城功

崔鎮岳字劍五汾陽人貢生民國六年任

補遺

蔣渡字樹存吳門人康熙戊戌進士以校對官選貴州慶陽令悉苗人風俗著有黔苗竹枝詞雍正 年陞朔州知州兼署馬邑知縣手書師嚴道尊縣區學宮至今猶存

典史

明

王鐘磁州人

王朝佐臨清州人

苑傑永清人

孟傑德州人

趙雄延安人

陳廷誥陝西人

梁世美蓬萊縣人

喬萬富平縣人

李僑安肅縣人

劉級徐州人

彭守教北直隸人

吉璠華陰縣人

洪道中直隸人

孟序初恩縣人

孫邦彥山東人

張宮陝西人

劉天爵陝西人

楊君望朝邑縣人萬曆二十年任

樊光圃霸州人

李惟善丹徒縣人

潘士賢通州人

程慶元合肥縣人

廉進秩平陰縣人天啓六年任

張信

清

金必典江南人

沈日盈浙江人

宋玉浙江人陸孟縣主簿

李天楨山東人

陳致中浙江人

馬應錫江南人

陸世瑞浙江人

吳屏翰浙江人

周毓傑陝西人

凌元洪

浙江人康熙十三年任後卒於官

王天祚

陝西同州人康熙二十年任佃僮不羈善事上官以丁憂去改補河南臨漳縣卒於官

姜繼業

字敷茲蒲州人康熙三十三年任饒有吏才上官器之奈邑小俸治饔飧不給惟佃耕民田以自應而已三十九年以沾喪去後改治河南之官陽縣

王聯登

字捷校山海清人康熙四十年任

右明清典史三十七人

教諭

明

李聰 雄縣人

唐勝 鳳陽人

謝晏 慶都縣人

劉璋 陽城縣人

陳寧 海豐縣人

趙爵 完地縣人

張榮 臨清州人

王永裕 武功縣人

李善 晉州人

李玳 海豐縣人

馬尙德 萬全右衛人

俠良謨 高陵縣人

王機 賓州人

唐元 齊河縣人

戚世登 安州人

張克忠 闔鄉縣人

胡璉 固城縣人

李騰霄 黍城縣人

羅廷璋 霍州人

申道 山西人

楊思之 遼東人

張典 南陽人

張澤民 直隸人

程鷗 萬全左衛人 萬曆年任

鄭光祖 陝西人

任貞 陝西人

馬化龍 保德州人

孟時芳 城武縣人

王繼文 曲陽縣人

韓國彥 廣平縣人

郭育才

石而瑾蒲州人

馬呈文漢中人

張棟孝義縣人

季先榮河南人

季文秀山陰人

賈應龍平順縣人

裴愈顯陝西人

季秉何霍州人

季芳桂太原人甲午中式

高禮起曲沃縣舉人已亥中式

衛周甸

猗氏縣人自此教教諭缺

張心錦

字裴宣臨汾縣人康熙十六年復設剛滅遠衛教授

張體壯

字慎庵曲沃縣舉人康熙二十四年任四十一年陞四川長壽知縣潛心理學探其微與於制藝一道允醇乎其醇諸生之攻舉繼者皆奉為宗匠云

趙申祥

字容舒汾陽縣人由壬子拔貢康熙四十四年任按公何東名士也家貧康熙四十一年任景象煒
字仲昭猗氏縣人由壬子拔貢康熙四十四年任按公何東名士也家貧學富中丞衛爾錫先生極禮重之方選今職年已七十餘矣時奉新例

右清教諭四十六人

除遷教職官員必驗試文藝通年力未衰者乃准給憑赴任有說公者曰何不於脚色中少寫十數歲公笑曰用之則行舍之則藏吾平生不欺寧以一毡自昧其齒耶及藩伯而詰公年幾何公直以七十三歲對其志行耿介如此楷模多士自見師嚴道重云

訓導

明

李鼎靈石縣人

杜森

崔倫直隸人

張鑑直隸人

惠璧蒲城縣人

牛珣磁州人

王寶鉅鹿縣人

張仁齊東人

文舉寧夏衛人

苟廉陽信人

閻景陽高陽縣人

劉鼎祁州人

季棟趙州人

馬萬程定州人

許汝端東安縣人

郭廷棟平鄉縣人

高彥臣振武衛人

高冠解州人

弓邦衛崞縣人

翟仲爵懷來縣人

李萃芳忻州人

鍾邦望河曲縣人萬曆年任

楊時暢漢中府人

崔鈿安陽縣人

李應昕猗氏縣人

阮夢麟長子縣人

郭士俊絳縣人

周三讓霍州人

高其讓萬全右衛人

清

楊大觀曲沃縣人

楊復初安邑縣人

張騰輝河曲縣人

時逢泰清源縣人

張令聞

譚所毓翼城縣人

董駿烈太谷縣人

李因侶孟縣人

王鼎祚洪洞縣人

程迺績武鄉縣人

李世振趙城縣人卒於官

李連元陽州人

董命字伯謨介休縣人康熙三十五年任按公定陽素封也

曲就一氈於苜蓿滋味甘之如飴履任之後詩以大義勗諸生道重師嚴狹達者望而斂跡或同列中有偶相齡齟者公一以平心正氣處之無能復犯焉念馬邑舊稱發科之地比年士志頽惰人支不振於是重捐已囊鼎新多金毫無者色及今誌其功德絨在碑記可考既而邑侯素公倡修聖廟公捐助多金毫無者色及今誌之修公德復首倡與人為善者匪斯人耶

右明清訓導共五十九人

訓導自康熙四十年後曆雍正乾隆嘉慶無一知之者

衛鍾元道光二十年任損壞馬邑縣志版

王兆昌太原人道光二十八年任

李春榮太原舉人咸豐年任著有風土絕句

頡賡揚祁縣人同治年任

靳良臣夏縣舉人

榮全義

李戊辰同治十年任霍州人歲貢

史紀武鄉舉人光緒元年任

馬振海稷山舉人見鄉賢

吳觀亨介休舉人重修明倫堂陸教諭

杜翰澡太谷人拔貢見鄉賢

阮高揚稟貢

張鷟舉 絳州舉人司鐸馬邑三次先後一十六年士被甄字立臣陶後陞蒲州府教授

張鳴桂 汾陽舉人光緒二十八

守備

元

谷琳鎮守使至正年任

明

袁增鎮撫使弘治年任

張鑑本所千戶

李淮大同指揮

周勇左衛指揮

郭琳右衛指揮

吳鎮大同指揮

許鎮大同指揮

馬芳大同指揮

王輔大同指揮

銘大同指揮

王招大同指揮

陳恭右衛指揮

朱璋天成指揮

張璽平魯指揮

韓鎮大同指揮

董璽大同指揮

孫安靈丘指揮

王浩大同指揮

王貫大同指揮

蔣譚真定指揮

李璋大同指揮

薛桂保定指揮

李世爵偏頭所指揮

邊大振山陰千戶

張世英 寧武指揮

時爾直 沁州指揮包修城池著
有賢勞

楊培 應州指揮

楊一名偏頭所指揮

閻金臯直隸武進士

莫如德宣府武進士

席仲仁左衛百戶

聶蘭右衛指揮

馬紀宣府武進士

孫承賜陽和千戶

宗世相右衛千戶

鄭國珍陝西綏德州武進士

王之都寧山指揮

季國忠右衛指揮

王國綱大同人

陳大亨北直指揮

王士俊右衛指揮

張文憲定邊人

趙文質右衛人

徐鎮都朔州人

劉復戎山陰人

張于魏大同人

宋德隆大同人

林祐北直人

朱國英大同人

陳大同人

郭朝輔濟陽人

尹繼甫鎮西人

白養貴榆林人

清

王佐宛平縣人順治二年任

李廷樞定州人

羅君詔陝西人陞九江遊擊

劉熊江西人

楊於鼎 北直武進士康熙二年任嫌馬邑僻小營幹移駐朔州尋以尅餉被
鎮臺趙公良棟刻去營制之磨楊作備史自此敢為把總

右明清守備共五十七人

把總

清

徐

維浙江人康熙五年任山朔州改任

侯登鳳

陝西籍大同人行伍

王思理

應州人行伍以病解職歸

陳

志江南人以武舉署職卒於官

艾勇義

陝西人字常侯由辛酉科武舉人委署康熙三十九年任教諭有方兵民相安

所官掌印

明

陳國謨千戶

鄭建邦千戶

揚金千戶

張勳鎮撫

袁至忠鎮撫

陸甲鎮撫

沈廷章百戶

顏綱百戶

夏天臣百戶

鄭承勳百戶

方勳百戶

所吏目

明

蕭大經霸州人

王一忠直隸人

李瑾山東人

孟萬倉直隸人

萬世庫臨清州人

潘謨浙江人

馬豸陝西人

李齊東山東人

韓東藩河南人

周承儒三原縣人

公署

縣治

在城中大街土迤西南向明洪武八年知縣吳公國貢創修前堂三間東西庫房二間吏舍六間儀門一座退堂五間東西耳房各二間西廂房二間退堂後住宅三間東西廂房各三間廚房三間寅賓舖三間在儀門外東土地祠一間在賓館西圍園一所在儀門外西大門一座嘉靖壬子知縣王公嘉巳未知縣趙公德祐相繼重修萬曆九年知縣趙公承芳建牌坊一座於大門外匾曰古寰州增修吏舍爲十六間又建大堂簷厦三間戒石坊一座豎甬道上

康熙七年知縣朱公兆綱建書舍三間於退堂之東移牌坊於大南臨街康熙二

十年知縣白公璋改建住宅爲五間康熙二十七年知縣王公從儉重修堂厦工未畢三十四年知縣王公霖乃覆以瓦久廢

典史衙

在治東贊政廳三間東西皂舍各二間大門一座廳後住房三間東西廂房各二間東書房二間

康熙二十年典史王君天祚建南書房二間三十六年典史姜君繼業改建爲三間久廢

察院康熙五十年改建文昌祠

在治東明洪武八年縣丞宗公秉彛創建大門三間儀門一座東西角門二座大堂五間東西皂隸房各三間退堂五間東西廂房各三間牌房一座在大門外東扁曰肅寮貞度萬曆二年冬十月災署縣事本縣教諭胡公璉重建三十二年知縣宋公子質建正廳一所於院大門外之稍西道南以備迎俟祇謁內正廳一間有半小南房三間門樓一座以上兵據舊誌書之今俱場毀雖片瓦寸水鮮有存者按清

順治年間其規制猶如故爲巡方使者與兵巡諸道按部駐節之所故有司歲加修葺自巡與道臣奉裁而察院遂漸就傾圮矣然而木石磚瓦猶在也迨康熙三四年間乃盡取察院木植爲各衙門馬棚皂舍棹橙爨新之用今止餘一石碑豎荒土之上間有使客經臨非假館於佛寺旅店卽逼奪乎紳第民房噫典廢之際感慨因之矣康熙癸未知縣事秦公擴日擊邑中財用艱難不能遽興大工故惟倡捐清俸先修

聖廟而於諸公廨姑緩之以待民力稍舒漸圖修復但恐地之久而因廢以至於沒也爰命吏丈量舊基詳諸廣狹四至各誌於其左

察院坐落大街道北自大門至儀門長七丈闊四丈東至廩生霍維城西至監生霍邵南至大街自儀門至後堂長一十八丈五尺闊一十大北至與史衙東西至與上同

官廳又名小分司坐落院南稍西長六丈闊二丈五尺北至官街東至廩生田邵模西南俱至貢生田邵機

分司

在治東大門一間儀門一間前堂退寢各三間皂舍廚房各二間明萬曆二年知縣趙公承芳增大門儀門各爲三間皂舍廚房各三間今俱廢爲瓦礫之場

康熙癸未春知縣事秦公擴量記舊基記一十五丈闊六丈南至官街北至縣治之寅賓館東至監生霍炸西至縣治

接官廳

在縣西門外大河岸南大門三門二門一間正廳五間廚房二間萬曆三年署縣事本縣教諭胡公璉因邑人棗府儀賓張一貴捐瓦房八間場地三畝刑巡後於天啟二年爲河水浸壞今俱廢

廣武驛

在西門外大門上爲樓房三間二門一間正廳五間退堂三間左右廂房各二間馬神廟一間徒舍三間今俱廢並地基無考

草場

在治西北空地而已康熙癸未春知縣事秦公擴量記舊基長二十六丈五尺闊二十丈西北俱至城墻東至馬邑民霍烜南至監生田邵相 民間認墾間種年久

養濟院北房三間 據舊誌書之久廢

倉儲

預備倉此正縣倉也萬曆年知縣王公日新建 今廢

民國四年委員鄧出售矣

軍儲食此所倉也在治東北大門一間東廩七間西廩十間北廩十間倉鄉廟一間

創建無考今止存東廩六間南廩三間本縣一切征政積貯糧石俱在此內

學校

舊志曰學校關十習而世道否秦因之故學之不可以不興也學興則才育才育則化敦化敦而治亦隆矣馬邑雖當邊鄙而士子近多携髻 當必有待其所藉於學者匪淺鮮也可弗誌乎至于蒙養始教亦聖功之不可缺者故隋于後

聖廟

在治西創建無考正殿三間明弘治辛酉冀北道陳公寬命縣令增而爲五東西廡各五間戟門三間卽大成門門之南十數武爲櫺星門三間外爲照牆其泮池與省牲齋宿之所碑箴之亭概未有也遵制于春秋仲月上丁日祭

先師四配十哲及兩廡從祀先賢先儒清康熙十六年知縣阮公振益畧加修葺康熙二十四年頒御書萬世師表扁額于正殿之猶二十九年奉旨立下馬牌子櫺星門外東西各一而三十三年頒發御製

清聖祖

至聖先師孔子贊 并序

蓋自三才建而天地不居其功一中傳而聖人代宣其益有行道之聖得位以緩猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔之不得位窮而在下秉刪述之權明道之聖人也行道者勲業炳於一朝明道者教思周於百世堯舜禹湯文武之後不有孔子則學術紛淆仁義湮塞道斯之失傳也久又後之人

而欲探二帝三王之心法以爲治國平天下之準其奚所取衷焉然則孔子之爲
萬古一人也審矣朕巡省東國謁祀關里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏
猷作君作師垂統萬古曰推堯舜禹湯文武五百餘歲至聖挺生聲金玉振集厥
大成序書刪詩定禮正樂旣窮象繁亦巖筆削上紹往緒下示來型道不終晦秩
然大經百家紛紜殊途異趣日月無踰羹墻可晤孔子之道惟中與庸此心此理
千聖所同孔子之德仁義中正秉懿之好根本天性庶幾夙夜勗哉令圖邇涼洙
泗景躅居虞載曆庭除式觀禮器摛毫仰贊心焉遐企百世而上以聖爲歸百世
而下以聖爲師非師夫子惟師於道統天御世惟道爲寶泰山巖巖東海泱泱端
高萬仞夫子之堂敦窺其藩敦窺其徑道不遠人克念作聖

顏子贊

聖道早聞天資獨粹約禮博文不遷不貳一善服應萬德來卒能化而齊其樂一
致禮樂四代治法兼備用舍藏王佐之器

曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

子思子贊

於穆天命道之大原靜養動察庸德庸言以資萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子與闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

康熙四十一年知縣秦公擴以 聖廟年久漸圯捐俸倡修訓導董公命極力贊勸之闔縣紳士亦量有捐助修理正殿兩廡戟門外而至於櫺星門照牆並經補修於是一時煥然改觀庶幾美富可藏焉

康熙四十四年乙酉當大比士於鄉知縣事秦公擴深慨邑人文不振捐俸創建

泮池一座於櫺星門內鑿地深入尺闊倍之長四丈以石爲成磚砌其上共用石百車磚一萬有奇經始於春二月落成於夏四月圓橋疊樂風氣一開盛舉哉博士弟子員應知所鼓舞而憤發矣

同治十年大雨牆垣盡圯邑紳霍百齡姚璉勸捐重修越五年而工始竣啟聖名宦鄉賢三祠規模皆大于舊牆垣悉易以甃

啟聖祠

舊在儒學儀門東久廢明崇禎六年邑人太學生霍公毓芳捐貲於正殿之後建祠三楹周圍繚以垣門額一座今漸圯避制於丁祭日教諭先時致祭

康熙四十一年知縣秦公擴目覩塌毀不堪修理

聖殿門墻畢物力已不繼乃復行倡捐補修躬親督理工料之費雖則重修而實同創建焉

魁星樓在櫺臺上遵制於丁祭日致祭

文昌祠

一在城上東南角樓一在聖廟之西正殿三間東西翼以廊二門一座門外東西房各三間大門一座樂樓一座在大門外近南遵制於丁祭日致祭清順治戊戌辛丑園中書霍公之瑄侍郎田公喜灤因禮園得第各有所增修康熙二十八年邑庠生田喜灤霍炯因 聖廟西祠年久漸圯倡捐督修有碑記見藝文中 康熙四十年訓導董公命因 聖廟西祠爲雨水所浸損祠內廊房并圍牆半已崩毀公獨力捐修復稱完美有碑記見藝文中後移之察院

名宦祠三間

在聖廟戟門外東遵制於丁祭日致祭從祀神位拜官師卷首

康熙四十一年知縣秦公擴倡捐重修因舊牆四面皆土坯壘砌故易損塌乃易之以磚庶幾堅而可久

鄉賢祠三間

在聖廟戟門外西遵制於丁祭日致祭從祀神位詳人物卷首

康熙四十一年邑紳雷燦暨弟貢監霍焯霍炯霍焯侄廩生霍維域共同捐資助

修 聖殿外因鄉賢一祠其父中者公於伐午年曾一修補今復漸圯念此祠爲鄉先達諸公血食之地而又其家累世祖考俱在從祀之列於是獨力認修易士壁爲磚墻期於堅實可久時燦在長子學博任於往來家書中力主其事諸弟侄亦克有同心而辦料監工則焯身任其勞云

儒學

在縣治西聖廟之東元至元間建明洪武二十四年知縣李公德重修正統二年知縣張俊成化八年知縣安和俱有增葺明倫堂三間東賢房三間曰博文西齋房三間曰約禮弘治辛酉冀北道陳公寬令以東南空地兌民間址開學門大路創建號舍十四間庖廩各三間萬歷十年知縣趙公承芳因廟學中爲民居所隔請動贖銀五十金俾民他徙買其地聯廟學於一處重修大門三間增東西齋房爲十間敬一亭三間在明倫堂後藏御製四箴等碑儀門一座左右角門各一座大門一間萬曆二十二年知縣王公日新爲砌甬道
康熙十七年知縣阮公振益重修東西齋房仍各五間西齋房與廟東廡背向相

馬邑縣志 卷之二
聯康熙二十二年十月地震大門儀門俱塌毀不堪

教諭宅

久廢

在明倫堂西正房三間康熙十七年間教諭張公心錦改敬一亭爲住宅康熙二十年教諭張公體壯建書舍二間於明倫堂之西北

訓導宅

在博文齋後正房三間年久破損不堪樓遲康熙三十五年訓導董公命於學外賃屋而居光緒五年馬振海創建敬一亭三間正房三間東西配房各二間內外整齊民國元年馬邑分治縣署權駐於此

書籍裁訓導後無一存

易經十二本

書經九本

詩經十一本

禮記九本

春秋七本

性理三十本

四書九本

誥律二本

勸善書八本

五倫書四十八本以上失毀無考

孝經衍義一部共五套三十本康熙三十年教諭張公體壯捐置至四十二年陞任時交代存學

十三經注疏前後漢書晉書南宋書南齊書梁書陳書魏書北齊書後周書隋書
南史北史唐書五代宋史遼史金史元史共二十六套朔州學堂借去

祭器

錫邊十四

錫爵十七

銅爵二十以上惟銅爵存係進士武公文捐造上各鑄武名

士額

明

洪武初制廩膳二十人宣德二年制增廣二十人

治間始設附學不限數廩膳每人給廩食月米六斗洪武十五年定日米一石折
銀一兩優免地糧二石人二丁增廣附學無月米優免與廩生同

清

順治十三四年康熙二年廩糧優免俱奉裁扣止存廩生膳夫銀一十三兩零康熙二十四年間四川巡撫姚公締虞具題部復奉

旨准復間糧三分之一儒童允附舊額歲科兩案每案取一十二人順治十八年後以歲兼科止進八人康熙十二年復行科考進取如歲考例兩案共進一十六人武生原進不拘名數進無定額

前清文武並重自順治十八年以後新進之數與文生同惟科考不與焉

康熙四十一年頒御製訓飭士子文令募石學宮其文曰國家建立學校原以興行殺化作育人材典至渥也朕臨馭以來隆重帥儒加意庠序近復慎問學使釐剔弊端務期風教修明賢才蔚起庶幾樸棧作人之意乃比來士習未端儒效罕著雖因內外臣工奉行未能盡善亦田爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術學功源委有序爾諸生幼聞庭訓長列宮墻朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義勿雜荒經之談取友親師悉化橋

盈之氣文章歸於醇雅毋事浮華軌度式於規繩最防蕩軼子衿佻達自昔所譏
苟行止有虧雖讀書何益若夫宅心弗淑行已多愆或蜚語流言脅制官長或隱
糧包訟出入公門或唆撥姦猾欺凌孤弱或招呼朋類結社要盟乃如之人名教
不容鄉黨弗齒縱倖脫褫樸濫竊章縫返之於哀能無媿乎况乎鄉會科名乃掄
才大典關係尤鉅士子果有真才實學何患困不逢年顧乃標榜虛名暗通聲氣
夤緣詭遇罔顧身家又或改竄鄉貫希圖進取囂凌騰沸網利營私種種弊端深
可痛恨且夫士子出身之始尤貴以正若茲厥初拜獻便已作姦犯科則異時敗
檢踰閑何所不至又安望其秉公持正爲國家宣猷樹績膺後先疏附之選哉朕
用嘉惠爾等故不禁反復惓惓茲訓言頒到爾等務共體朕心恪遵明訓一切痛
加改省爭自濯磨積行勤學以圖上進國家三年登造東帛弓旌不特爾身有榮
卽爾祖父亦增光寵矣逢時得志寧俟他求哉若仍祖爲具文玩愒勿傲毀方躍
治暴棄自甘則是爾等冥頑無知終不能率教也旣負栽培復干咎戾王章具在
朕不能爲爾等寬矣自茲以往內而國學外而直省鄉校凡學臣師長皆有司鐸

之責者並宣傳集諸生多方重勸以副朕懷否則職業弗修咎亦難追勿謂朕言之不預也爾多士尙敬聽之哉

學田

本縣學田坐落鄆河等里

共地三頃四十七畝五分

共租銀四兩一錢六分

以前奉文起解充餉康熙二十二年部復科臣許公承宣具題奉旨免解准酌給廩生與士之貧者

又按其地屬鄆河里坐落城村地名不等城西老圪塔地十五畝城北壩外等地九十畝李沿疇河漕地六十畝新村兒南北角等地一頃八十二畝五分此外另有額地三十五畝坐落城西十五畝城南二十畝因邑小士貧學書一役每招募不前則書寫無人公事不辦議給此地以充辦寫文移紙張筆墨之費

社學

舊誌云在治後久廢知縣王公梅於萬曆五年買治西民間隙地建廳房三間東西房各二間大門一座今亦廢地基在文廟西牆外

康熙四十年十月內奉 巡撫噶公諱禮檄行通省爲特飭廣建義學以敦治化之本等事內云義學卽古社學 朝廷念民間俊秀子弟不能延師讀書者詔有司廣行教化以作育人材山右民多椎魯各有司酌量州邑之大小村落之多寡設立義學若干處印官會同教官選擇品行端方文理明通者延爲社師凡童蒙到學令其識字讀書教以跪拜揖讓洒掃應對之節又必先讀小學講明義理俾知長幼之序孝弟之本忠信篤敬之言行不得以故事空文塞責其營建館舍支給餼廩雖無正項經費然鄉村多寺廟旁屋添置購葺費不甚奢卽館穀之需亦歲不過十數金惟良有司加之意而已蒙此知縣秦公擴竭力奉行因縣小民貧物力艱難乃苦心籌畫查出久荒無主田地招墾租種以充社學廩餼之用期於永遠可行共地四頃設立義學共四處

在城

三官廟義學一處

給地一頃坐落城南地五十畝 城北地五十畝

在鄉

霍家營龍王廟義學一處

給地一頃坐落本村地二段每段三十畝
坐落北曹村地一段四十畝

新磨村河神廟義學一處

給地一頃坐落吉家庄地一段十畝 一段六十畝 一段三十畝

陳家庄龍王廟義學一處

給地一頃俱坐落富家院一段四十畝紅岸地一段六十畝

續纂邑史氏曰社學久廢撫軍噶公飭行之可謂留心教化矣秦侯委曲籌畫謂非能奉宣德意者哉先是檄下郡邑時余不肖方司鐸漳源不揣非才冒具條議一詳與宣講鄉約款日徑達之撫軍台憲其畧曰義學之建已奉憲牌飭行而其所難者惟生儒之不得其人與廩餼之並無其項耳夫生儒匪人則以奔競者流或

借社師之名以爲結交官府串通衙門之地廩餼無項則以有司官旣不便額外科歛又不敢那移虧空每奉上行大抵以虛文塞責者居多如鄉約所故事但懸數扁於道口寺廟之門額曰東路義學西路義學而已及按其實而絃誦之聲寂無聞也間有延一學究老生充社師者而終年不給館穀以致舌耕寒儒慨俯仰之無資嗟進退之兩難者往往然矣義學廢弛職此之故然事窮思變豈遂無策而處此誠如憲牌所云第一要緊在生儒之選必州縣官於明倫堂公同教官紳矜選擇老成端方公論僉孚者當面保舉議定每年束修若干按季從實支給然後隆其禮貌延之西席至於開館之後再責令各該管教官承下鄉講約之便親詣各鄉社學查看幼童共幾人寫過字模何如讀過小學幾篇拜跪揖讓之節有無習曉按月稽查勤惰分別勸懲如此則不患生儒之不勉力教讀矣若夫廩餼所出查各學俱有廩糧學田此二項錢糧從前均裁解充餉於康熙二十四年荷蒙皇恩浩蕩准復支給廩糧以給廩生自無庸置議學田奉文分給廩生貧士查廩生旣有廩糧將學田似不必再行分給而專以給之貧士貧士似亦不必濫給

而專以給之義學教讀之貧士飭行各地方官清釐學田租課勿聽民間欺隱或租課有屬教職經收者嚴飭教官不許侵漁將學田一項作永遠義學之用庶不致以朝廷有用之租賦而置之無用之地惟是無學田之州縣或查取無主荒地招募開墾成正官率同寮屬首先倡捐募衆置買以實心行實政在賢令長仰體憲意奉行之善耳是否允協伏撫上裁申呈撫軍去後蒙批藩臬兩司檄行通省議復而秦侯之所委曲區畫者乃卽余詳中墾荒之說可見秉懿之好人有同心天下事於偶難措手之時雖芻蕘工瞽亦不無一得之見也敢錄此以爲後之有心世道擔當名教者敬效他山之助

鄉約

舊史氏曰社學之設用以教民鄉約之講所以化俗均有司者責耳教化之意同故鄉約宜附載於社學之次先正云鄉約於保甲相表裏保甲弭盜之善策也然鄉約實行則盜不用弭何也先有所化之也我皇上煌煌令諭十有六條所以教天下萬世之百姓者至矣盡矣有司以月朔望日宣講久已著爲令典康熙四十

年冬巡撫噶公諱禮檄行以印官在城講解鄉村不能遍及責令州縣衛教職官員沿村遍講每員頒給新鐫鄉約全書裝訂整齊各一冊俾隨地選用諸生內聲音洪亮詞氣懇切者率領於本屬四境村庄遍行講說務期家喻戶曉每講一週教官仍卽具文徑報本院以憑稽查勤惰分別獎戒等因備仰各儒學遵行余不肖時備鐸漳庠奉行恐後因冒具條議八款徑羣撫軍蒙憲批獎檄行藩臬兩司會同糧道議復通行闔省內一欵請照職康熙二十八年纂修長子縣誌書規式將聖諭並講約事宜檄令通省遇修誌時一體紀入以重王言以廣王化蒙此允行在案今編纂次及固宜拜手稽首而特書之

聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全良善

誠窩逃以免株連

完錢糧以省催科

聯來甲以弭盜賊

解讐忿以重身命

本縣約所共六處

在城二處

崇恩寺 西關龍王廟

每朔望日知縣率衆會講 秦公擴奉行尤力

在鄉四處

東羊圈頭

西新磨村

南霍家營

北吉家庄

每月每鄉教諭導分行赴講二次

武備

守府民國四年委員鄧

出買

近東門大街南向大門三間儀門一間左右角門一座正廳三間東西椽房各五間東西書房二間又東書房三間廳後住房五間東西廂房六間原老家營守備官衙門今奉裁爲把總駐劄焉

守禦千戶所

所守府西大門一間二門樓一座正廳三間所裁久廢

吏目廳

在治東北大門一間正廳三間後廳三間東西廂房二間所裁久廢

旗纛廟

在守府東大門一間廟廳三間

演武場光緒年廢

在東門外稍北正廳三間牌坊一座東爲將臺康熙初年猶存今廢並木植磚瓦一概消亡非司戎者責而誰之責耶

乾隆甲申千總陳諱全體天鎮人也仍踵舊址建箭廳三楹其人勤慎明敏值營

伍廢弛之際整飭有方復勉力捐資以身爲率故兵士踴躍用命不日成之數十
年來耳目倏然一新然則廢興之故雖有數歟抑亦視乎人耳

墩臺

櫓臺墩在西城上

護城墩在北城外

羅辛中墩縣東二十五里

河南墩縣東南二十五里

馬頭山墩縣東北十五里

高龍王峪墩縣東北二十五里

瞭把山墩縣東北三十里

中嘴山墩縣東北三十五里

富漢梁墩縣東北四十五里

鶯台墩縣東北七十里

寶峯山墩縣東北八十里

南祖山墩縣東北九十五里

八里墩縣西八里

盤道梁墩縣西北十五里

喇河口墩縣西北二十五里

火器

鐵二將軍四位

鐵三將軍四位

兩 廡 先 儒 記 位 圖

東 廡 三 十 一 位

先儒伏 先儒毛亨 先儒孔安 先儒鄭康成 先儒范 先儒陸 先儒范 先儒歐陽 先儒司馬 先儒馬光 先儒謝 先儒羅 先儒李 先儒張 先儒陸 先儒陳 先儒何 先儒文 先儒趙 先儒履 先儒陳 先儒方 先儒薛 先儒胡 先儒羅 先儒欽 先儒呂 先儒劉 先儒宗 先儒孫 先儒陸 先儒其

先儒梁 先儒高 先儒董 先儒毛 先儒杜 先儒諸 先儒王 先儒韓 先儒胡 先儒王 先儒楊 先儒尹 先儒胡 先儒李 先儒呂 先儒黃 先儒蔡 先儒魏 先儒王 先儒陸 先儒許 先儒吳 先儒許 先儒陳 先儒蔡 先儒王 先儒呂 先儒黃 先儒道 先儒周 先儒斌

西 廡 十 三 位

崇

昌聖王伯夏公

先賢孔氏孟皮

先賢顏氏

先賢孔氏

先儒周氏

先儒程氏

先儒蔡氏

聖

裕聖王祈父公

肇聖王木金父公

詒聖王防叔公

啟聖王叔梁公

祠

祀

位

圖

先賢曾氏

先賢子孫氏

先儒張氏

先儒朱氏

先師祭文惟先師德隆千聖道冠百王揭日月以常行自生民所未有屬文教昌明之
會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春秋
祇率彝章肅展微忱聿將祀事以復聖顏子宗聖曾子述聖子思子亞聖孟子配尙
卿

崇聖祠祭文惟王奕葉鐘祥光開聖緒盛德之德積久彌昌凡聲教所覃敷率循源而
溯本宜肅明禋之典用中守土之忱茲屆仲春秋聿修祀事配以先賢顏氏先賢曾氏
先賢孔氏先賢孟孫氏尙饗

樂譜

迎神昭平之章

大哉孔子先覺先知與天地參萬世之師祥徵麟絨韻答金絲日月旣揭乾坤清夷
奠帛初獻宣平之章 子懷明德玉振金聲生民未有展也大成俎豆千古春秋上
丁清酒旣載其香斯升

亞獻秩平之章 式禮莫愆升堂再獻嚮協鼓鏞誠孚疊獻肅肅雍雍譽髦斯彥禮

陶樂淑相觀而善

終獻叙平之章 自古在昔先民有作皮弁祭菜於論思樂惟天牖民惟聖時若彛
倫攸叙至今木鐸

徹饌懿平之章 送神德平之章

社稷壇在西門外春秋仲月上戊日致祭久廢

風雲雷雨壇在縣南河岸春秋仲月致祭久廢

先農壇在縣城東郊雍正五年知縣袁大選創建廢

厲壇在縣城北

玉皇廟在北城上久廢

城隍廟在城南街規制頗備有司朔望行香土人以三月二十五日祭賽

北嶽廟在東門外光緒年廢

三官廟在城東南隅久廢

真武廟在檣台上土人歲以三月三日建醮

關帝廟在東門內大街之西有司歲以二八月五月十三日致祭

二八月祭文

祭文惟神星日英靈乾坤正氣允文允武紹聖學於千秋至大至剛顯神威於六合仰

鑒觀之有赫示明德之維馨茲當仲春秋謹以牲帛庶品用申祀祭尙 饗

民國立袁大總統改爲

關岳合祀廟

拓跋三大王廟

在神頭村西洪濤山之下舊廟中元魏至遼之碑修廟者作柱下之礎余知有四碑而不能取金天會十三年重修元封爲王明改今稱按台愍帝建興三年封代公拓跋猗盧爲代王

至拓跋珪改園號魏因傳有拓跋公主飲金龍池之水而生三男其次者能伏桑乾之龍又能興雲雨弭風雹水旱之灾故建廟肖像而祀之祈禱屢應邑令程舜卿勸民重修元封王爵曰廣濟曰洪濟大德三年詔加封廣濟曰靈應廣濟王溥濟曰孚應溥濟王獨洪濟無所加相傳至今有司歲以二月十八六月十三日致祭鄉民亦有獻甥醴者祭告者多爲祈免于雹灾云

祭文惟神拓跋肇基桑乾效靈鍾山之秀得地之靈興雲茂績施雨宏功潤民之髓

代天之能禦災捍患順甫調風某等欽承帝命謹牲帛庶品用申祀虔祭尙饗

蒼山大王廟在青塚村

龍王廟

一在西關今廢一在東門外南桑恢二水合襟處北岸上明萬曆三十六年知縣宋公子質建公通地理家言與建文筆峯同一意也和傳其時年屢豐登文風亦彬彬乎稱盛

高龍王廟在沙家疇俗傳王姓高

馬王廟一在東門甕內一在馬廠內

聖母廟在縣治西北每四月八日香火雲集爲邑人所嗣之所

鄂國公廟

一在東城上久廢一在司馬泊金龍池之西岸規模壯麗往年巡方使者歲一按臨必詣廟祭告隨巡道廳諸公一時雲集故廟中碑碣題咏甲於一色有司歲以九月十七日致祭

祭文云惟神碧波鐘秀桑乾效靈龍池降馬

勇絕羣三翻奪一稍義辭婚某等 欽承

帝命謹以牲醴庶品用申虔祭尙 饗

龍泉寺卽水圍寺在司馬泊

崇恩寺在治東大街北

增福寺在洪濤頭村西南

白雲寺在鹿峯山俗名第六峯山在縣南五十里朔州進士姚師錫修白雲寺碑記

恆嶽之南雁關以北有數峯綿互其間峯峯接連俱占勝概而鹿峯尤據諸峯之勝中有古寺號曰白雲向北面佛殿三間十王殿三間東關帝觀音龍母殿三間南韋陀殿一間口中鐘樓禪室俱備寺外兼圖山神土地祠曆康熙乾隆兩次重修建造未詳憶

創修之始或以地僻人稀之境不可無梵宇往來之應歟抑以雲山縹緲等于間曠必有神祠以肅觀瞻使人無往不生其畏敬與特歷年已久漸就傾圯爲可惜耳夫事之肇造在數百年以前者卽一邱一壑片屋數椽苟有所關皆不可廢况茲山與恆嶽雁關相表裏而寺以白雲名又于煙霞浩邈之地爲諸靈爽所式憑顧可任其頽而不爲之所也爰是峰之環列左右者于道光辛丑年公議重修煩工庀材始于三月初六落成于五月十三殿宇神像俱較美備莊嚴外又親設龍王四位斯誠可以繼創修之志而足生後人之慕效無已矣抑人更有取焉山各有主主各有屬或謂是山隸于代郡修之者宜惟代人茲乃令寧武朔州馬邑代郡之人而共襄厥事斯固山之名勝足繫人思抑非託諸神呵護之靈足感人敬畏之心亦安能遠近居民羣焉竭資以成功于勿替哉至于喬木參天清泉濬地凡與寺迴令映帶者每足供人清興而修之者志不在此卽余所取而記之者亦不贅及也是爲記



